

## Vorrede.

neben dem Wort zu erkennen: Vnd der H. Er. Jesus Christus/der in seiner Kirchen das Geistliche Bergwerck bestellet / Mich von Jehna/hernach von Gröblitz einer Bergstadt/durch ordentliche ehrliche mittel/vnd vorher gehaltenen Bergpredigten/zum Predigamt in diese Kaysersliche freye Bergstadt Schlackenwald beruffen/vnd zum Aufseher seiner Kirchen verordnet/das ich seines Namens Ehre fördern / vnd durch das Wort der Gnaden/diese Bergleut zu seinem Reich ruffen/vnd seine Allmächtigkeit/Reichthumb vnd Güte/in seinem Wort vnd Steinen/edlen Creaturen ihnen zeigen / Vnd darneben sie zum Gebet/Dancksagung vnd Christlichen Gehorsamb/in aller Gottseligkeit/Zucht vñ Erbarkeit/auch vnterthänigkeit trewlich vermahnen sol/damit Gottes ehre vñ schuldiger Gehorsam in aller Gottseligkeit gegen Obrigkeit/in dieser Wildnuß gepflanzet vnd gefördert werde: Habe ich als ein Geistlicher Bergman/meines Ober Berghern Jesu Christi/solche Schicht nach darlenhung seiner Gnad vnd Geistes/je dezeit trewlich verfahren / Vnd nicht allein auß Lieb gegen den Bergwercken/sondern auch vff Gutachtung/Kaht vnd Befehlich/etlicher vornehmer Bergverständiger BergKächte / J. Röm: Kän: Man: diese Arbeit vff mich genommen/vnd bey meiner Weisheit/ so viel mir neben Verrichtung meines Ampts zugelassen/ alle wichtige/ hochnotwendige streitige Bergsachen / in ein Corpus zusammen gebracht / vnd auff alle jetzige Calus vñnd Fälle / so sich täglich im Bergwerck begeben/appliciret, damit ehrliche Gewercken bey ihrem Glück oder Bergtheilen / vnd deroselben befugten Recht: So wol auch ehrliebende Bergleute / bey ihrer sauren Arbeit/ erhalten vnd geschützet: Vnd also sie allerseits dem lieben Gott für seine reiche Güte / für vnd für zu loben vnd zudancken/ Vrsach haben vnd angereizet werden möchten.

Nachdem aber bey alten Bergleuten/ein alter löblicher vnd zugelassener gebrauch ist/da man Gott reiche Erz vñ gute Handstein bescheret/ dieselbe frembden Herrn/Bergleuten/vñ iren Gewercken vorzutragen/dieselben auch wol damit zuverehren: Habe mit diesem Bergrechte/E. E. F. F. G. G. vnterthänigst vnd dann dienstlich ich presentiren, verehren vnd begaben wollen/mit herzlichem Wunsch vnd Flehen/vnser lieber Gott vnd Vater/der allein Erz schafft vnd wachsen leset/der wolle E. E. F. F. G. G. der Bergwercken sonderlichen Liebhabern/in iren Ein-vñ Auszug gnädigst segnen/derer Bergwerck erheben/in steigen vñ auffnehmen kömen/vnd auff E. E. F. F. G. G. gottselige Posteritet gelangen lassen: Daneben gnädige Ruhe/guten Frieden/wolfeile Zeiten/vñ alle gedenliche Wolsahrt vnd Mittel geben vñ bescheren/durch Jesum Christum vnsern Erlöser vñ Seligmacher/Amen.